


資治新書二集

二之三




漢書門	
二	四
一	二
〇	〇
〇	〇
二	〇
〇	〇
架	函
號	類

內閣文庫	
番號	漢 2420
冊數	20(10)
函號	297 40

共廿





谷沼新書二集卷之二目次

文移部

錢糧七 議折色

顏科折色議

錢糧八 議加徵

覆按院條陳之一

錢糧九 科派


勾補匠班同詳

錢糧十 議協齊

協濟東省錢糧事

錢糧十一 議黏貼

議停收丁幫貼詳



席竺來

覆按院條陳之一

周宿來

周宿來

袁輔宸

查覆科派廳夫銀兩

袁輔宸

周櫟園

顏澹婁

谷沼新書二集卷二目

文七首

錢糧十二 查元欠

一條鞭議

袁輔宸

改革徵糧等事

姚六庚

劣衿抗糧等事

紀子湘

行紹興府各屬牌

王旦復

錢糧十二 前數隱

詳覆變產等事

周宿來

詞訟一 審欽件

飭行案件

佟壽民

請定推官值季詳文

謝傅公

詞訟二 慎格詳

仰按察司通飭各府

郎一柱

詞訟三 嚴聽斷

嚴飭聽訟

祖漢若

諭淮屬官吏

蔡魁吾

詞訟四 禁差擾

諭各屬佐貳等官

蔡魁吾

詞訟五 催完結

脚行各黨

周樸園

通飭各屬

佟壽民

申飭通省

李台霖

人命條議五款

入詞訟

李毅可

卷二

二

文

資治新書二集卷之二

湖上笠翁李

漁蒐輯

媚沈心友佃訂

錢糧七議折

顏料折色議

溫處守憲席竺來講武寧人式

切惟顏料本色各府有之而額派多寡大有不均處
 州以浙省之末屬而獨當寧紹台金溫五府之半前
 此猶屬藩司彙解自十三年以後各府自委解官採
 辦解運此一官者以一身而任數千金之重登山涉
 水遠冒不虞未辦則可憂在銀既辦則可憂在料况
 處州府首領止有二員其餘所屬六縣無丞又不若
 他府之多而可選方其資銀採買道路時憂叵測幸
 資治新書二集卷之二

登瀛新書二集
而運解到京。費用又苦難支。此處屬之第一困也。伏
讀
先皇遺詔。深以經營造作為輪臺之大悔。計今此項
本色。當不復用。若得一槩折銀。當歲益軍需一二百
萬。然此國儲大計。非下吏所敢妄言。今止就處言
處。懇乞憲臺。憫其物土之毛。實無一有。額派之數。獨
重他州。特題改折。或每歲徵銀解司。仍從舊例。實為
窮山再造之年也。

覆按院條陳之一

周宿來

一秋糧折價不定。處屬萬山層疊。架石之田。因方為
珪。遇圓成壁。尺尺寸寸。累黍積基。所以產米不多。每

常告糴。滬。抑。且。峭。壁。懸。崖。舟。車。路。絕。卽。使。農。有。餘
粟。萬。無。山。頂。行。船。之。理。從。古。各。項。錢。糧。止。徵。折。色。起
解。自。順。治。十。二。三。年。間。忽。有。本。折。糧。米。各。半。起。解。之
議。彼。時。部。中。概。指。全。浙。而。言。不。暇。獨。詳。處。州。形。勢。假
令。照。徹。幽。遐。必。當。預。為。扣。郵。矣。若。使。處。屬。十。縣。必。須
運。米。至。省。自。非。巨。靈。擘。畫。斷。難。神。運。鬼。輸。一。時。士。民
擄。頸。號。呼。有。司。奔。走。乞。命。幸。得。仍。歸。改。折。然。議。折。雖
定。而。折。價。不。定。十。三。年。初。判。二。兩。四。錢。後。漸。減。至。一
兩。四。錢。十。四。年。初。判。一。兩。二。錢。後。漸。減。至。一。兩。懇。乞
老。大。人。試。察。前。多。後。少。之。間。文。移。往。來。不。知。擔。擱。幾
許。時。日。從。中。調。劑。不。知。銷。費。多。少。精。神。且。使。不。肖。有
資。始。折。書。二。集。卷。二

資治通鑑卷二百一
同奸惡胥蠹得。以。使。縮。其。間。養。亂。其。際。且。每。歲。開。徵。之。始。必。先。以。仍。用。本。色。訛。撼。鄉。愚。此。最。害。之。大。者。莫。若。較。數。歲。之。荒。歉。酌。米。價。之。高。低。判。定。若。干。永。爲。逾。守。不。必。歲。有。游。移。庶。軍。民。兩。無。爭。執。此。實。便。民。之。一。端。也。

錢糧八 議加徵

覆按院條陳之一

處州周宿來 諱茂源 華亭人

一顏料加徵太重。朝廷任土作貢。並未嘗責人以難得之貨不產之毛。查處屬舊制。顏料折銀六千餘兩。各縣徵比解司。總在條鞭之數。自十二年間。初議改折槩加一倍是也。驟增銀六千餘兩矣。又水角銀

硃石青等項。務求本色。殆又數倍原價而不止也。今十四年分。復奉司文。照時估價。如黃蠟原折一錢二分者。初加一倍爲二錢四分。今估價四錢八分。芽茶原折每斤六分者。初加一倍爲一錢二分。今估價二錢六分。生漆原折價一錢者。初加一倍爲二錢。今估六錢。嚴漆原折價一錢二分。初加一倍爲二錢四分者。今估價四錢。由此類推。大率又過倍于初加。是處屬十縣。只據顏料一件。加賦徑三四倍于舊額。全書矣。深知欽奉。敕諭。率土皆然。然土地之有肥磽。猶人力之有勇怯。因其勇怯。本來不同。所以負任原有輕重。今不問原任之輕重。而一概加之以鈞石。卽勇

者固亦不勝。而怯者必致先厥。况又在鹿羸厥然待
畫之際乎。柘州風景。老大人憲節所臨。觸目興懷。自
然流涕。倘堪與浙東西上下諸郡並駕齊鐮否也。

錢糧九科派

勾補匠班回詳

浙江 袁輔宸 諱 順天 相

看得匠班一項。起自故明舊例。于順治八年。奉文
免。順治十五年。奉文復徵。康熙元年。奉文載入。考成
各縣徵解。不容缺額。今據該縣詳稱。匠籍逃亡。合于
新匠勾補。奉憲臺批。司查報。本司遵查。軍民匠竈各
有版籍。自我朝開創以來。衛軍改為屯丁。然未嘗
于軍籍以外之人。責令輓運也。今奉徵匠班銀兩。仍
應于匠籍徵解。若議勾補新匠。是不論版籍。凡木匠。

泥匠石匠以及百工手藝之人。皆得指為匠而徵之。
夫四民之中。工居其一。此端一開。經承倚為利藪。將
不勝其騷擾矣。本司何敢擅議。每見各縣紛紛呈詳。
皆有科徵新匠之議。伏祈憲臺嚴加批飭。以便通行。
十一府七十六州縣一體禁飭。其匠班銀兩。仍于匠
籍中徵解。以完考成。如有科徵新匠者。合照因公科
欽之條。八十兩以上論絞可也。

查覆科派廳夫銀兩

袁輔宸

看得紹興府廳夫一案。據士民張七發等呈稱。紹府
山會二縣設有廳夫。係在經制之外。計二百四十名。
每名派工食銀三兩六錢。且有加罰。每坊索銀二十



餘兩一年通計銀九百三十餘兩。又山會二縣驛站。自順治十五年間。索取坊長貼費。年增一年。每坊出銀三四兩。一年通計一千二百餘兩。驛站大事。竟令坊長承值等情。奉憲批司查究。遵即轉行紹興府。提解。去後。催據紹興府申稱。廳夫一頃。為庫藏監倉。并各衙門守宿巡更而設。肇自嘉靖年間。其驛站事務。有額設。可以動支。循環。可以稽察。其廳夫原派二百二十五名。今裁去一百二十九名。仍存九十六名。造冊申覆前來。本司查閱。該府詳冊。蓋不禁洞心駭日。而驚歎不已也。自順治四年奉有。欽頒經費錄。順治十四年奉有。欽定賦役全書。凡徵一文役。

人。悉在賦役全書之內。蓋自古帝王。取民有制。有地則有賦。有丁則有役。如漕白二糧。金花正賦。顏料蠟茶。絲綿京絹。油鐵之類。皆賦也。如書門皂。決驛站夫馬之類。皆役也。自地丁賦役。統為一條。鞭徵收。舉凡徵民之財。用民之力。彙入全書。科入由單。在全書由單之內者。則為經制。在全書由單之外者。即是賊私。直省官民。莫敢或違也。恭繹部文。內開。經費既定。官府無捉襟露肘之虞。衙役有代耕糊口之資。小民免濫徵橫斂之苦。此外。毫有私增。即計賊論罪。功令煌煌。炳如星日。豈紹郡守令。獨不聞乎。敢將驛站廳夫名色。每年私派至二千一百三十餘兩。此大可異。



也。據府詳稱，為庫藏監倉各衙門守宿巡更而設。但本司叅繹經費錄與賦役全書內開，府有庫書一名，倉書一名，庫子四名，斗級六名，禁卒十二名，縣有庫書一名，倉書一名，庫子四名，斗級四名，禁卒八名。則是庫藏監倉未嘗乏人，何得另派民夫也？其各衙門守宿巡更，查府有馬快十名，步快十六名，皂隸十六名。縣有馬快八名，皂隸十六名，民壯五十名，凡馬快步快民壯，豈專勾攝人犯皂隸，豈專喝道刑人，凡衙門公務奔走服役，自應在官人役為之，而守宿巡更其首務，何得另派民夫也？再查該府冊開廳夫裁留數目，除提督府更夫十名，茶夫二名，打掃夫一名，并

紹協更夫二名，今文武分途，本司不議外。據府冊開，察院司更夫五名，茶夫二名，愍孝祠夫一名，查賦役全書，紹興府額編看守察院公署布按二司府館門子二十三名，役銀七十七兩六錢。又看守祠廟亭館門子五名，役銀一十七兩一錢。則是看守衙署祠廟未嘗乏人，何得另派民夫也？又據府冊開，山舖夫六名，總舖夫五名，縣舖夫五名，查全書額編紹興府額僻共九十二舖，共司兵三百六十名，役銀二千七百九十七兩八錢。則是舖遞公文未嘗乏人，何得另派民夫也？以上俱有經制人役額編工食，不當另派坊里。今據府冊云：此皆私派厲民不法，已甚。合照因

公科斂八十兩以上應得真綾。至于驛遞錢糧查山陰縣額編二千二百四十兩九錢九分二釐。會稽縣額編三千四百六兩九錢四分六釐。以上答應勘合火牌并憲牌充然有餘。如有橫索夫馬者自有憲頒循環號簿可以稽核。不知該府縣將驛站錢糧作何支銷而派坊里貼費且累坊里承值此大不可解也。更可異者奉憲臺嚴批駁查之後該府縣尚議留用夫九十六名當此聖主當陽百度維新之日申飭私派不啻霜嚴該府縣官吏非但不知朝廷之功合為何事并不知已之頭顱為何物矣且將欽頒之經費錄欽定之

賦役全書該起解抗不遵行而良遵明季私貼之例此豈為臣子者之所敢言也此案合行揭叅但在康熙六年七月初七日恩赦以前伏祈憲臺嚴加批飭嗣後如有私派坊里一夫者里民告發即以私派從重題叅聽候部議可也再查此案該府申詳業已承認其張七發等所呈是實不必再審伏候憲臺批示至于憲批一縣如此縣縣皆然但未據有告發難以懸揣伏祈憲臺批示通行嚴飭取通省各府縣有無私派結狀呈送查考可也

錢糧十協濟

協濟東省錢糧事

福建周櫟園詳符人



資治通鑑卷二百一
看得閩省起運戶部錢糧額銀除撥湊本省兵餉外
實只解部銀一十二萬二千五百三十六兩五錢零
而本色銀兩不與焉。今奉部咨內開該省起運銀內
撥廣東省銀一十二萬一千六百二十六兩七錢二
分到司。第查本省解部起運只有此數。若盡數撥與
粵省協濟兵餉必須十分全完方能如額。即承平之
日本年錢糧亦不能完及十分矧今地方多事山海
盜賊並發海眾叛亂荼毒千里攻陷多城無巢不毀
無田不荒壯者已屬走險老穉枕藉載道有司道呼
計窮殘黎敲朴難施此錢糧必不能完者也。及至延
建邵汀四郡處在上游八年以來疊遭山寇作孽據

憑陵依山爲窟烏合之衆出沒無常捲擄民財屠戮
民命廬舍丘墟桑麻非故遍野夜號盡皆逃亡之泣
蕭條洒落徒見瓦礫之場兼以天災流行瘟疫大作
死亡無數慘不忍言顧此骨立之民命曷能完及正
供且三春雨澤愆期佈插非時農有欲耕之心苦無
可耕之力民困至此已極國賦何從出辦本司職
在甸宣體國憂民寢食交廢心血已竭况今戎馬
在郊軍需孔急尤望鄰省協濟以解倒懸安能敲扑
殘黎轉輸他省且今日之時勢慘苦之情狀曾已備
陳代題稍有更生之望今若撥起運於粵省民命未
甦將何措辦一時差官催取勢難猝應致悞粵省軍

需雖重處本司亦何益于事本司展轉思維不得不預陳苦情伏乞俯念民艱日甚錢糧一時難徵併賜具題閩省自顧不暇斷斷不能協濟鄰省乞將粵省兵餉另撥別省起運協濟本省解戶錢糧乞寬陸續解部造福海邦非淺矣

錢糧十一 幫貼

議停牧丁幫貼詳

陝西顏澹叟諱宛平人

該本司為照漢屬城南褒沔四縣接收屯衛丁條內有三分幫一。共銀若干。按年徑解苑馬寺。以為幫貼牧馬之資。從未經由本司也。每歲終據報在於遵旨會議案內彙冊報銷在案。是此項銀兩原出於正

賦之內非額外之私幫也。明矣。嗣於康熙二年奉旨寺監裁併州縣而馬亦因之停牧。則此項銀兩不應解給監丁矣。蓋緣監丁既無牧馬之勞未可坐食幫牧之金而額徵之正賦自應裁充兵餉。今平屬雖云馬未發盡不過少待月日而已。寧復有終牧之理乎。至所稱賴此以完丁糧此語殊為可異。夫寺監既裁歸州縣則向之所謂牧丁今之所謂耕民也。向之所謂屯地今之所謂民田也。使罷牧馬之役而專力乎耕耘則丁即民也。地可賦也。今復欲以併力耕田之民仍如代人牧馬之丁求幫貼於他人以完已之國課。有是理乎。况今幫牧各丁之在漢屬也種地輸



賦本不少寬。卽幫牧一項亦未少減。今卽將此項銀兩復給向時牧丁。其於漢丁亦何所損。獨是以罷牧之丁仍食供牧之銀。而朝廷有用之金錢不幾爲若輩坐糜乎。且若輩旣分給歸併之屯地。而得以專力耕鑿矣。今查欲藉幫銀以完丁賦。則是漢丁有幫牧之重。困而若輩以不丁之夫種不糧之地。不惟與漢丁之苦樂霄壤。使兩地有不均之歎。而國家亦安用此游惰之民以魚肉淳良也哉。則此項銀兩應歸兵餉作正支銷。此斷斷不爽者也。但查前項幫牧銀兩原解交平涼欵項。隸布政右司轄屬。似應飭令漢中府徑解右司。以佐兵食。則是漢中有供賦之丁。而平涼無不糧之地也。伏冀憲臺咨明內部。永爲定例。

錢糧十二

查完欠

一條鞭議

浙江 袁輔宸 諱一川 順天人

一起解錢糧之議。本司看得每年額載錢糧。應于年內全完。本年不完。流爲過年帶徵。年復一年。拖欠無窮。案奉工部行文。有歲內全完。紀錄之例。又奉戶部行文。有六月全完之限。在有司祗承。功令誰不欲完考成。急功名者。而拖欠不完。其故安在。蓋由于錢糧之不清也。按錢糧之弊。有六。一曰侵欺。一曰挪移。一曰透支。一曰冒破。一曰未獲批。一曰未獲領。總之

皆侵欺也。夫那移一條，以此項那作彼項，以此年那作彼年，並非入己之賊。按大清律，凡那移出納還充官用者，並計贓以監守自盜論，杖一百，流三千里。免刺夫以還充官用之錢糧，而痛懲之。至此者，蓋緣侵欺之源實由于那移也。惟那移而後胥吏因緣作奸，得以行其侵欺，惟侵欺而後民脂民膏上不在官，下不在民而盡歸於中飽。此錢糧所以不完也。然而兵餉急，則解兵餉協餉急，則解協餉漕項急，則解漕項起運各部寺錢糧急，則解起運各部寺抑或大兵經臨軍機緊急，則解軍需。此皆通融緩急，萬不得已者也。至于昏愚存司，任意那移，或存留甚緩，反那起

運以給存留，或雜費無額，反那正項以充雜費，則額解錢糧滔滔乎成逝波矣。於是經承胥役乘機作弊，千變萬化，莫可究詰。其朦混上司也，希冀一銀兩銷其朦混本官也，惟圖一銀兩支益一經那移彼此牽混簿書至猥雜也，欵項至繁瑣也，况作令者皆甫入仕途之人，雖有明敏長才，尚多不諳會計。况中材以下者乎？此錢糧積弊所以無紀極也。本司敬陳一議，各州縣之徵于民也，係一條鞭徵收，合令一條鞭起解，假如仁和一縣起運戶部折色若干，禮部折色若干，工部折色若干，額編兵餉若干，裁扣充餉若干，里馬優免，裁官經費等項各若干，以及科舉曆日海嘗

等項幾及二百餘款統計歲額解司錢糧共若干徐
輕賚行月淺貢應解糧道站銀應解驛道鹽課應解
運司採辦本色錢糧應解該府外凡係解司錢糧彙
爲一條又除缺官柴馬契稅牙稅牛驢雜稅等項原
無定額相應另案起解惟將全書刊載年額解司錢
糧并全書既定以後里馬優免等項亦有定額每歲
共該解司銀兩科算總額若干內撥留府給兵若干
實該解司銀若干各縣隨徵隨解其解文內開列年
額解司條銀若干第一次解條銀若干尙餘未解若
干其第二次解文內仍列年額若干除第一次解過
若干外今第二次解司條銀若干尙餘未解若干其

第三次解文內仍列年額若干除第一次解過若干
第二次解過若干外今第三次解司條銀若干尙餘
未解若干嗣後逐次起解俱倣此式則是通縣解司
錢糧止有一條無第二條完欠瞭然無容纖毫掩飾
并經承洗補解役逗遛匿批不投之弊皆可杜絕矣
惟是奏銷歲叅二册各部錢糧應分欸項本司查明
該縣解過若干并解府兵餉若干完十分者將各部
各欸槩註十分全完完九分者將各部各欸槩註一
分未完蓋各欸錢糧合之則爲一條分之則數百條
假如一條未完一分則數百條皆未完一分一條未
完二分則數百條皆未完二分司書造册既不能以
資台新書二集卷二

欠作完亦不能以完作欠。此最直捷最簡明之法也。且合為有司者。先因欵項龐雜完欠難稽。今止有一條於胸中。則完欠瞭然。如或自夏徂秋完解尚少。自必惕然警懼。誰不欲十分全完。以副考成者。再有解糧道一條。解驛道一條。解運司一條。解府一條。歲額應解錢糧。止有五條。再有缺官柴馬契稅牙稅雜稅等項。為數無多。另案考成。亦甚易辦。此法成立。雖有中材之吏。可以鳴琴而理。不費稽核。而錢糧自清。吏胥無所容其奸矣。至于奏銷。歲叅二冊。本司仍照往例造報。未嘗輕變舊章。似屬可行。伏祈憲臺俯賜裁奪。如果可行。特疏題明。請以康熙二年為始。各州縣俱照一條鞭府縣可也。

改革徵糧舊例條陳

石隸縣令姚六康 諱子莊 歸善人

為酌定錢糧徵輸成法等事。某月日奉本府信票開奉安撫部院張批。據卑職申詳前事。蒙批姚令陳列利弊。大有裨于催科第。從來法久弊生。仰池州府逐欵查議詳奪。務期官民長便。繳等因到府。為此仰石隸縣官吏查照批詳事理。立將該縣陳列各欵。再加查議。果否官民兩便。各立前件造冊。申詳本府。以憑核奪。轉覆等因到縣。奉此竊照石邑從前徵輸之例。非特池屬五縣所未有。即徧訪江南亦無是法。不識此備作自何人。遂使流弊至此極也。職欲因陋就簡。資台新書二集卷二

則恐江河口下難委國賦于逝波若欲改舊圖新
又恐沿習成風致拂民情于慮始只得就中調劑煩
費苦心去害則揀其大甚稍可仍者尙因之立法務
使其可從稍疑難者寧闕之已經脩葺管見冒昧上
陳荷蒙撫憲不棄葑菲俯賜採擇檄職再行查議仰
見上臺周密盛心但六弊既經臚列無容再贅謹將
條陳之六法再一申明觀其利益知其弊矣
一前件因循舊例設有排柱之名一都有百數十排
百數十柱若不責其應即是導之使欠也若皆責其
應卯則人盡現役也無論錢糧欠數紛若亂絲卽此
應比之人已先蜂聚縣堂有蜩嘈鼎沸之勢矣今止

推一人統攝之排柱之完者免到欠者帶比則頑戶
有朴責之慮而人思措納現年無諉卸之因而糧有
着落此畧仿江南首名催糧花戶滾單之遺意在他
處則爲舊例在本邑行之實爲創始之新法也其從
前梁戶花戶不過爲欺隱逋欠之計此法行而百千
化身亦何益乎

一前件丁田爲綱而稅糧其目也一戶開明則一戶
之完欠如日星推而至于各戶各都莫不皆然非特
執簿持籌者易于磨筭卽漏田漏丁飛詭之弊亦從
此絕矣不多立款項使愚民易曉胥吏不得因緣爲
奸所謂一條鞭者非乎其一月雖有三限兩限之分

總屬按數總計如初限能完二三限之數則二三限不必赴比或一二限稍不及額仍量從寬政必俟未限而勒完之不廢法亦不膠於法也

一前件分限徵糧使民易納夫徵比之限既裕則官既不難於設處多寡之數一分即民亦易免于笞責雖頑戶貧民亦將黽勉急公况殷實淳良之戶乎大約一月完銀一分有奇而參以硃料米豆之期會恰及一年奏銷民力無若於束濕而公私其交賴乎一前件傾錠鈐印包封上納江南以及各省處處皆然獨石邑不行此法止用零星低鏹搪塞一時及湊解之日仍發還本人傾補足色續交重收費幾番出

人法之不立亦至此乎甚至有青蚨飛去不獲重來拖欠逃亡復行追比者前件已言之詳矣茲用傾錠鈐印之法免一番出入則免一番隄防行之既久則人忘陋習變頽風為善俗先自完糧始矣以上諸款雖似剽襲舊聞實係剔除今弊在官則易為轉移在民亦不難改革是稱兩便但卑職撫字有心催科無術仰冀憲臺採擇施行則小民無慮始之驚而比戶享樂成之福矣

劣衿抗糧等事

杭州 司李 紀子湘 諱 文安 元

縣令職司錢穀兼理刑名既司錢穀必知完欠之數既理刑名必審曲直之分未有以完作欠反直為曲



孟浪申詳致干吏議者也據申莊某完糧不及十分之二云何以庭訊之下驗其由票合之本戶之糧則以強半其數矣將謂申先納後以莫律免則考其時日又在半月之先將謂借票于人以飭已過則戶名卽是的名由票不可假也未艾一卯而完什七則莊某宜在所獎何以申爲卽此一事則該縣之錢穀刑名已見大槩恐難乎其爲民上矣抑解經承并齋糧册以憑審奪

行紹興府各屬牌

台州王旦復諱景州人

爲清查兵餉錢糧事照得本廳奉巡撫都察院憲檄清理紹屬各項錢糧兼比積年壓欠兵餉自撫院奉

命之口早已申飭在案詎意該縣積玩成習將歷年錢糧那移侵蝕顛倒混淆朦朧追比則以完爲欠希冀考成又以欠爲完造報錢糧則以欠爲完缺解兵餉又以完爲欠致令各鎮標營屢向院司呼籲本都院萬不得已方檄本廳清追乃該縣受事月餘猶藉口新任漫無徵解官是新官豈經承亦皆新役乎本廳催票如雨漠不關心視新例若弁髦以追查爲見戲本廳焦心如焚只得親臨監比爲此示仰該縣各經承知悉速將向來侵那兵餉及早補還現徵錢糧盡數起解年來印官數易上下侵那總不出于經承之手各宜猛省留爾身家勿謂爾在明處我在暗

處縱有清官無如猾吏何也本廳雖乏長才頗善搜剔查出弊竇爾等即遭重譴無以身試至百姓紳衿人等果有拖欠抗拒者該縣即指名申報本廳自當解處務期刻日清完如仍前朦混延挨憲典俱存決不爾貸須至牌者

錢糧十三 治欺隱

詳覆變產完糧緣由

處州太守周宿來詳茂原松江人

看得處屬自八年平地之後飛畝串名侵逼日甚若賦少而弊最久欠最多者尤莫若雲和一縣既不能不痛恨作俑之人復不容不深鄙因循之輩今該縣現任知縣蘇企韓受事方新頗能拒眾口之欺朦搜

從前之隱脫據詳變產完糧言之娓娓蒙憲批確議遵查憲示亟革平田之弊凡有拖糧積習俱在憲臺洞鑒之中其端起于久不過割則業主先無的名抑且隨人紐充則額田竟無定處里長既不識其田之所在南在北又安知其田之真熟真荒所以奸民囑托總書借差儘多詭插逃絕戶下實則暫移他所秋成暗至收租見年遠住他鄉背後苦為賠贖種種抗逆侵牟誠有如該縣所陳者昔日縣官祇知徧問其人遁在何方而不知確查其田落在何處于是株連其遠族疎親或拷求踪跡或責比代完而不知着落其現種現收之田主佃戶皆由縣官迂儒全不從府官



提調及至日墮日進徒有枉陪叅罰此良可浩歎者也夫彼既悖朝廷而欲享無稅之田自當遵功令而顯行入官之律除真正逃亡死絕及積久拋荒者卽應踏明田畝奉憲招墾輸糧外若勘得有熟田而假荒蕪現戶而稱逃絕者許該縣造冊報憲卽將本產或召賣附近田隣或改給本犯佃戶俱容該縣細心酌量隨便易價以完必不可赦之餉銀項通縣必不能徵之荒額仍須脩造清冊詭田若干變價若干贖完某年某項銀若干通詳立案以杜刁頑之口以慎行法之令蓋釐奸起弊至于萬苦萬難之際如攻病用湯藥不效卽當改用刀鍼此亦律例昭然非

臆論也伏祈憲裁批示并請通飭括屬共為遵行庶可使現存者不再思假冒遁逃而詭詐者俱不致終歸化外錮弊可銷而正供無缺豈曰小補云哉

詞訟一審欽件

飭行案件

江南 廣寧人 譚彭年 僑憲

為特飭奉行 欽部件之法以免誑誤事照得錢糧有待徵解若 欽部件止用造冊查詳原可隨到隨結不至動羅叅罰奈各屬俱以奉行之事委付經承遂將來文擲置高擱逮至過限之後差提逼迫猶然混請寬期不念凡 欽部件定限五箇月覆奏近奉督院札示云 欽部件限五箇月為滿者迺係督

撫回奏之限非承問各官成招詳覆之限也凡府州縣官應于一月內詳司司加覆核於兩三月即應詳院院查是否妥確尚須翻駁若司府州縣先以五箇月為期則未有不違限而干察罰者此言極為明切所當與各屬共知向來祇因槩委經胥印官全不覺察所以限到不知過期不曉為此應設一簿將上年八月始奉到部文事件逐一挨查某某未完以後逐日挨記仍將部文內查駁緊要處所摘記在簿作何回覆方可完結不但緩急在目亦且肯緊在心何至泛具一文混造一冊致滋駁改稽悞限期合行通飭請定推官值季詳文

江寧謝傅公諱建寧人

有論有亦此等詳文

為請定推官值季之例以均勞逸以全考成以速欽件事竊照推官一職專理刑名凡職分之所當為者自當竭蹶趨承無庸諉卸獨是省會之官與外府之官其甘苦難易有霄壤之判不得不備陳于上臺凡奉到欽部憲件反叛人命強盜大案雖經道府廳縣審定及至詳院具題之日必由憲臺覆核方可據以入告則本使司實為刑名之綱領且招案之中或有情事未確引律未符犯証未齊册卷未核必仍發該刑官確勘始可照斷轉詳而人犯業已解省若欲發回駁訊既恐限期迫切又恐途路疎虞是以各府大案多發江寧就近審結爰書山積頭緒紛紜夫

千篇
見

以江南之官。理江南之事。况蒙憲委。誰何敢辭。第奉到招詳。多係大案。卷牘之繁。盈寸累尺。其情罪出入。妨不具論。即如招中審看日供。年齒月日。賊仗傷痕。入官給主。省釋照提。已完未完。赦前赦後等情。稍有游移。動雅部詰一人之耳目。有限通省之案牘。無窮能保其一無舛錯耶。且各案到廳之日。多在。欽限將滿之時。督撫兩憲濡筆以待。若止依樣葫蘆。恐負憲臺委任之意。若欲從新翻案。又恐隔屬追呼不能。即應而遲悞之咎。已獨坐于限外之官矣。是以從前省下刑官。降罰累竟。無一人得邀瓦全之幸者。豈盡細于智功哉。夫亦事勢有獨難耳。在下吏之功名。

固無足惜。其如各上臺之考成。何查得浙閩東豫秦楚江右各省。皆有刑官值季之例。通計所屬刑官若干員。每于春夏秋冬四季。照序提取一員。赴省備候。本使司駁勘。欽件此官到省。于本使司衙門附近。覓一公署。不交際。不宴會。不叅謁。不迎送。將所帶書吏。關防。嚴密。一惟料理。欽件精神。既一識見。自生責任。既專。奉行自速。立法之良。無踰于此。在各省既有成效。江南獨不可倣而行之乎。再查七府之官。四季公值。總計二年之內。僅在三月之勞。使為上臺考成。起見。自當勉遵。行斷無膜視者也。伏祈憲臺轉詳督撫部院。永著為例。不特下吏得免隕越之愆。即

上臺亦可收指臂之效矣

詞訟二 慎招詳

仰按察司通飭各屬牌

江南一柱 總督 廣寧人

為嚴飭招詳以遵 功合以救考成事照得刑名關係 國法民命新例考成尤嚴為各官身命關鍵事甚鉅也每閱各屬招詳類倒錯亂司道府廳縣造相因仍漫不知所究正苟簡繁漏不一而足有一招中先擬軍徒後改重辟者招前眼目仍是軍徒並不照後出之看叅酌改正此其一也又有強盜人命初審再審供看不確及三復駁審該承問自當將已審已批情節不必復贅止照招駁滲漏處研取確供具簡

能省此等繁文

部呈書

言折獄

于此可見一斑

如是則註誤以後即行議處不必再查

明切實看語詳覆而各屬每每以上司批駁情節反置不問惟因仍前審將既審既載之供纏擾重復供供入看即九批十駁絕不顧及找駁詞語止信意臆龐勦襲前供前看潦草詳上不知招中空隙不盡上司批語不了一有錯悞塵塵相因經年累月不能完結由此而遲悞限期致於叅罰由此而或出或入致煩議處隨事之大小輕重身家性命亦由此而戮辱矣至於招中年月日期問官銜名一番審詳必一番載出如承問銜名則謹註於看得之上如奉上發下自下詳上節節年月日期不許一次遺漏以便查核舛錯職名遲悞年月一日了然何等便捷各司卒不

職名縱
有調停
指手不
及亦敢
本澄源
之法也

肯留心查註。僅聽一二不通經承。信手捏合。是欲了事。而事愈繁。連名累牘。碍難披閱。坐此故也。他如強盜案內夥黨名數。盜賊窩主姓名。及已未起獲。臧仗猶須招前舖叙。處與口供看語。照出處處符合。無絲毫互異。亦無絲毫滲漏。方成信案。審擬罪名。必依情就律。以律合情。各司誠能留心體認。事事精詳。有何功令之足畏哉。本部院每見諸司因一詳失於檢點。動于部議。降級罰俸。甚至革職重處。深為此輩惜也。是以不厭繁蕪。嚴為提醒。為此仰司。即便移行各道。轉行府廳縣官。嗣後承問各案。俱照本部院檄中申飭。緣由節節敲推。每詳一招。必將此牌對案。逐段磨

勘果無互異。方為膽真。其詳如有伊前朦混。致于本部院一駁再駁者。本官註以下考經。承提來重治。各宜兢慎。毋自貽戚。

詞訟三 嚴聽斷

嚴飭聽訟

嶺北祖漢若 諱永杰 守憲

照得吏治不一端。而聽訟尤為喫緊。無論大疑大獄。民命所關。卽戶婚田土鬪毆小事。亦宜虛公鞠審。毋移于利口。毋惑于傍言。毋聽斷于盛怒之時。而遷成兩造無決。獄于沉醉之後。而浪用五刑。毋畏勢而忍恨。縱奸毋徇情。而含淚罰善。若夫山谷細民。自幼至老。未見一官驟至。訟庭瞻搖舌。訥兼之各地。鄉語缺

卷之二

吾難明此時若不細心定將曲直顛倒置民于覆盆之下無論官評有玷且于陰陽多虧又有健訟刁民夥謀詐騙專以風影之事架為人命抄擄甚則誣為大逆謀叛且多以舊作新朦朧混告若不嚴審反坐勢將安底本道以讞獄之當否驗從政之優劣勿謂今日做官止以錢糧兵馬為重而詞訟為輕也

諭淮屬官吏

淮揚漕撫蔡魁吾錦州人

為申飭事照得為官聽斷一惟以律為程非可苟且任意草率以從事也本部院雖蒞任未久每見此中各衙門呈詳文案多有逞臆出入盡不合律令者殊可駭異如昨淮刑廳詳到姚連元一案連元之與劉

氏通姦日久其夫田疇不但知而不禁且并携其婦同住連元之家固已反客為主夫婦之不啻矣田疇之縊縱有威逼之情顧律文明載若和姦縱容而本夫本婦媿迫自盡者不坐因姦威逼之條山陽縣初擬竟坐一斬一絞幾不知法律為何物矣後經該廳批駁所擬已合然律文尚有追埋葬銀十兩之判今雖以田疇屍棺責令連元埋葬而此銀或給其親或其無親可給亦須一為註明竟不抹去又何也又檢屍一節事之最慘既已宛死可憐而復以其朽骨蒸煮洗刮無異牛羊豕仁人君子當有愀然其不恣者惟真正人命不檢無以議填不得已而行之今以

和姦而有八字傷痕於律必無抵法。一駭足矣。檢亦何爲。前因山陽縣於吳可才一案。不過一明騙之局。一覽瞭然。而亦有檢屍之舉。業於批申之內。嚴加誠諭。不意數日之中。又有此一事也。此蓋衙門積蠹。以檢屍爲利藪。誑惑本官而容之。不察耳。該廳職當刑名。合行申飭。爲此牌仰該廳官吏。照牌事理。通行闔屬。此後叛斷文案。一惟遵守律令。自非真正人命。毋許輕行檢屍。一體遵行。俱無違錯。

詞訟四 禁差履

諭各屬佐貳等官

淮揚 漕撫蔡魁吾 諱士女 錦州人

爲嚴禁首領雜職擅受民詞。虎從惡差橫行索詐。以

姓民害以靖地方事。照得本部院下車之始。卽已通行嚴飭首領雜職。不得擅受民詞。茲蒞任半載。諸凡惡役積蠹。或被告發。或經訪拏。無不盡法痛懲。毫無寬假。庶幾官方畧肅。而民困亦稍舒矣。孰意有大謬不然者。昨據淮刑廳呈詳。寶應縣民卽晚。因其妻與其嫌。小有不睦。而地棍糾其族人。捏首衡陽巡司。若事巡檢陳王前。卽差弓兵。易全行拘全。詐卹晚差銀一十六兩。夫巡檢何官。不啻蟲蟻。乃敢擅受民詞。弓兵何物。無異蟻蠅。乃敢擅索重賂。弓兵之詐。已十六金。巡檢之詐。又當幾許。此一異事也。同日又據淮刑官呈詳。天長縣民呂實。開張米舖。劉乾以衣一件。當

米五升後欲加當少許而實不允遂以私開典舖首
之本縣差唐高行拘高索差錢一十六兩而戲子管
友生代爲乞恩招保遂得酬金四十六兩夫當米乃
尋常之事不犯重法何至收監倡優爲最賤之人有
何體而遂能乞保戲子酬金已四十六設爲鄉紳遊
容之酬金又當幾許此又一異事也三日之前據海
防咸同知呈詳惡棍儲纏子與姦婦設計瞰隣婦黃
氏富厚誘之入室白日吊拷俾其招認以盡啟窖藏
如此異常變事比之強盜打劫尤爲加等呈稟捕衙
而捕衙受賄竟自從輕發落不一聞之印官夫捕衙
何官打詐良民何事而竟可以操縱任意不但不以

上申且蔑視縣正爲烏有此又一異事也數日之內
有此三異皆足令人驚心駭目一處如此各處可知
下差如此巨差可知等而上之由府廳以及道司等
衙門其奉差員役之妄自尊大又不知作何狀矣閭
閻百姓之飲恨吞聲惟其所欲又不知作何狀矣本
部院聞此惕然戒心深媿耳目未周紀綱欠肅致使
官方不飭民害未除雖刻意加防顧終以見聞有限
搜剔不盡爲慮所賴道府州縣之長一體同四正名
分以肅官箴慎差使而嚴約束庶其稍知斂戢而不
致貽害于無窮耳合行通飭爲此牌仰該定官吏照
牌事理通行各府州縣以本部院此文寫成告示

脚行各縣

青州周櫟園 韋亮工 巡憲

本道起家邑令。每見上司事事差人。件件守掇。差人到縣。善待之不能。惡待之不可。每一上堂。則擁集前後。如眼中之釘。恨不一時拔去。勿論其咆哮之狀。故意欲掃盡州縣體面。卽其寂無一言。悻悻立于堂側。縣官見之。敢怒而不敢言。一日無好興。頭一日理事。便無精神。况提犯人者。卽逼勒原被之打發。催錢糧者。則派索里長之陋規。頻向宅門擊柳。勢如雨點。故在該房。吆喝聲若雷鳴。喜則半跪乞恩。怒則瞪眼相向。輕則稟縣官打差役。重則打縣堂鎖。經承居則索

飯錢。行則要盤費。州縣官稍稍相待不好。便向上官。搬咬許多是非。以激上官之怒。以致下司畏之如虎。莫敢誰何。本道自履任以來。從未差一人下縣。此各州縣所知者。但各州縣中有相體諒者。不待差提。早完事件。本道極感其相成之誼。有等闖茸者。見本道並不差人聽經承事。事高閣。有兩臺並本道號件。經年累月不結者。甚有一紙結狀。亦累月不發者。視本道催票如石投水。真可怪異。如逃人號件。過一日卽有叅罰。不待言矣。今兩院號件。並批詞亦立有兩月之限。且以此驗各官之勤惰。定各官之賢否。非同從前可比。本道既不肯差人。各州縣又不相體諒。號件

何由而結不得已再行布告各州縣須以此牌粘之
座右不但可當本道一名差役還可當本道親臨該
地面督一番如再視爲故紙事事因循本道終不差
人亦惟有據實揭報兩院聽候叅處而已各相諒諒
毋貽後悔。

通飭各屬

江南 旌壽民 諱彭年 廣寧人

爲申飭事照得本司管錢糧以及 欽件册籍夫
額徵 國賦本應完解如期奉行案件原當依限詳
結督催者固應勤于轉檄豈承奉者反竟視爲具文
本司用各屬逋欠錢糧稽悞案件檄催札催等不停
筆是豈不知自愛其力故爲是不憚煩之事歟實以

焦心無策欲罷不能元具一牌稍涉寬泛既恐視爲
緩套略加激切又慮託爲不情再四推敲方纔落筆
各屬苟能諒此意或三檄五檄卽得報完相成之
誼何等全雅迺今錢糧案件皆一日一行動至數十
催及百催又恐各屬未必經心更于牌上標定次數
更思法言不若異語加以手札津津是本司之于各
屬可謂情法兩窮心力交瘁矣其賢明而能相諒者
雖不乏人然終不若棄置塵封大呼不應者之豎而
且衆也是本司筆舌如林徒爲所屬覆誦之具揆之
情理何以卽安合行申飭爲此牌仰某官知悉以後
凡遇本司牌票求賜檢閱一番查其行之勤速激切

或係非批浮言。查其催之事重次多。或應知所歸結。毋任經承朦混高閣。自今以後。文到有不隨具呈覆。及止以空文塞責者。唯按票號提經承治。以遲悞軍需稽違。欵件之罪。勿謂本司不言言之不諄且切也。

申飭通省

廣西 李含馨 諱月桂 藩陽人 臬憲

為嚴飭庶政。以肅法紀事。照得粵西僻遠南荒。土流雜處。自昔聲教隔越。政治常異於域中。矧今兵燹之餘。丘墟相望。井里肅然。其為廢弛簡倨。更日甚一日矣。所望官茲土者。振作精神。留心政事。庶幾生聚教養。揀做扶衰。雖未能俗易風移。亦可冀漸有起色。本

司掌憲全省。期於雷厲風行。刑清政理。迺蒞任以來。查閱案牘。大都因仍積弛。呼應不靈。且內中強半土司之事。或始由爭奪起釁。而有司報文邀功。講張其詞。釀成大案。究為不結之局。甚有催呼數十次。壓數月而不一應者。此豈朝廷設官分職之意。而身膺民社者之所當為如此。泄泄貪冒。是不能易俗移風。反覺與俗俱化矣。本司稟茲功令。特與諸賢約。務將舊習盡行振刷。惟慎惟勤。出以實心。行以敏政。事集而民不擾。所藉於同舟助理者。不淺也。合行嚴飭。為此牌仰云。以後一切文書。無論大小事件。俱要隨到隨行。按期申覆。本司以仁智勇三號立票嚴催。

如三催前件不完抗玩不應本司卽以州縣之惰勤
爲該府廳之殿最惟有轉報督撫兩臺聽白簡從事
而已至于地方或有謀叛強竊與夫爭鬪等類其間
情事輕重甚懸自後務要會查確據方入塘報不得
以小作大而見事風生亦不得以實爲虛而隱情坐
視該府廳均有表率澄清之責卽速嚴行通飭云

人命條議五款

河南李毅可諱昌邑人

爲刑名有一定之讞法大案有難察之科條謹陳末
議請乞憲鑒批飭遵行事竊照政治莫重于刑名而
刑名又莫重于人命盜情益上呈憲覽轉達
宸總生死之所由關法令之所由著未可使一情之

弗得一字之或舛也邇來官胥平時旣不知講讀律
例臨審又不能細心叅詳或出入游移而輕重倒置
或元克漏網而枉累無辜以致訟獄繁興爲害非淺
殊不知審有審法招有招體其間毫釐千里之辯稍
或買亂誑誤因之民命繫之誠不可不慎也茲列未
議于左是否有當伏乞憲裁倘有可採俯候批行刊
發所屬實心體認知所恪遵其裨益于民生地方者
大也

一人命以原詞爲據隨告隨審卽遲亦不得過三日
此爲定規尤不許于臨審時更投多詞改換情節添
減犯証展轉牽告除克犯應行羈禁外見証隣佑多



不過三四人。隨案質審。分別保候。不許一槩羈束。亦不許聽信經承差役。株連多人。致滋詐騙。

一人命以傷痕為憑。奉禁不許轉委佐貳捕員。定例印官親臨屍場檢驗。如但隔壁聽作指報。則印官必須親臨屍場。為何須將傷痕顏色分寸某處偏左偏右。皮破骨折。紅楂白楂。係某器所傷。分晰致命不致命。如金刃手足磚石木棍等器。果與傷痕相合。檢驗的實。審與口供無錯。即填屍格。以定山案。不可聽信作作。經承含糊混報。致成疑案。難結更不可遲延。時日以致屍潰難檢。

一人命以初情為真。檢驗之日。即研訊屍親兇犯。及

從來辦人命未見許悉至此非寢食坐臥于律

緊關証在確實各口供。隨時追獲兇器。因何事起。過與何人見証。何人先後下手。何人致命。重上行兇。及致死日期。為首為從情節。逐一訊明。即便定案。以防後日狡辯參差。

一謀殺故殺。情律甚重。如果有陰謀詭計。或有意欲殺。須依律坐罪。若無謀故實跡。証口有據。自認無辭者。不得輕議。強引至鬪毆殺。誤殺戲殺。過失殺。以及威逼等項。各有一定之律例。亦各有不同之情節。如鬪殺者。以一人而敵一人者。也有兩人則為共毆。非鬪毆矣。鬪出一人之手。又不可鬪毆論。言故殺者。故意殺人。意動于心。執物毒打致命。即時身死。是有心

例者不能道非視人之性命若已之性命者亦不能道此刑名第一書為官心先辨讀

害命也此為故殺隔日身死為鬪殺若意欲殺人先告于為從者使隨我而殺之則為謀殺非故殺矣故殺者出于一人之意不可以從論也若人不知故殺之意而卒然相遇共毆則亦共毆餘人而已同謀共毆有分有合分而言之有同謀而不共毆有共毆而不同謀合而言之始既同謀終又共毆究其下手毆傷致命之處之人坐以絞罪原謀者不論其共毆與否並杖百流三以其為編端之所起若共毆之人雖有別處重傷亦止杖一百以其下手致命者抵償矣故不深罪若原謀自行下手致命或混打不知何人下手俱問原謀絞其他俱餘人若同行之人既不與

謀又不助力乃是不行勸阻只問不應如議甲乙丙俱依同謀共毆人因而致死者以致命傷為重乙下手律殺甲原謀律杖一百流三千里丙餘人律杖一百是也

一其毆者惟有兇器又毆有致命重傷者方引充軍其雖有兇器而無重傷及雖有重傷而無兇器皆不得剪摘例文妄引矣如審係某情即定某罪其口供叅看引律務須一意到底不許口供牽混叅看與引律舛錯如共毆致死者須悉某人持某器某處有致命傷口供務與傷痕兇器相合獨重者議抵不得揣摩懸坐以滋辯實或有自盡身死者隨即詢其無有

真正威逼情形。即便起釋不究。仍差人押合限三日掩埋則輕生刁惡之風自息矣。

[Faded vertical text columns, likely bleed-through from the reverse side of the page.]

資治新書二集卷之三曰次

文移部

學政一 諸賢否

查取教心賢否牌

張寥匪

學政二 取優劣

諮訪優劣之一

張寥匪

諮訪優劣之二

張寥匪

學政事

張玉甲

查文生優劣

徐靜庵

查武生優劣

張玉甲

學政三 查匪類

查匪類以清學校事

張西山

學政四 申劣矜

申學堂

蔡蓮西

學政五 復衣頂

李鄴園 懇恩詳覆等事

岳華山

學政六

查濫冒祠生

張西山

學政七

通行各屬

張西山

學政八

詳各臺

張西山

直陳殉難等事

胡文燁

前事

胡文燁

節孝看語

劉黃中

姪表節孝疏看語

秦瑞寶

節婦高氏徐氏看語

鄭漢柔

節婦蔡氏看語

俞視如

王氏李氏雙節看語

梁治涓

節孝方氏勘語

梁治涓

節婦沈氏看語

梁治涓

學政九 議風儀

詳復武舉儀注

袁輔宸

申飭呈報丁憂字樣

袁輔宸

學政十 議賓祀

詳院

張西山

學政十一 祝名官

朱翰林院學士看語

周宿來

杜推官入祀看語

周宿來

學政十二 祝鄉賢

鄉賢沈練看語

周宿來

布衣包萬有看語

周宿來

故宦高文登看語

王瑞卿

前事批詳

王國燦

學政十三 庶務

恤錄忠臣後裔

徐德夫

申報事

王望如

資治新書二集卷之三

湖上笠翁李

漁菟輯

婿沈心友伯訂

學政一 詒賢否

查取教官賢否事

兩浙文宗張蓼匪華亭人

照得教官模範諸生表率多士職任所關甚巨自故
 明之世類用衰老明經備員以致日暮窮途不思進
 取惟以較量修脯為事置課莠砥行于同聞是教諭
 訓導之名虛設久矣自我清定鼎以來所授教職
 類選時髦間遺宿彥雖未必人人稱職而衣冠氣象
 倏為改觀然朝廷用人之意則加厚儒流恐儒流
 視躬之心仍自菲薄茲本道莅任伊始應行各屬教

職取生員優劣姓名以備黜陟然欲取生員之優劣先詢教官之賢否未有營私念切而肯以公道評人者也合行查取為此仰府廳州縣官吏照牌事理即將所屬各學教官修造履歷分列年志力行學識教規四事逐一填註另開考語總括實事不得用四六浮詞塞責務須博訪詳實有裨勸懲限文到十日內送送云

學政一 取優劣

為歲考事照得教化凌頹起于學校無政風俗傷敗如于衿佩不倫本道巡歷所至必先廉訪優劣以為

兩浙 張蔘 華亭人

勸懲誠以文學不先德行耳合行密訪以待歲試發落為此仰府即將屬學生員密行諒訪如有不孝不弟敗倫傷化出入衙門挾媚有司干証誣訟嫁禍射利攬納錢糧與賭博姦淫黨惡害民諸不法事備將真蹟實據列款密報以憑究黜優行諸生亦須果能攻苦讀書孝友足述屏蹟公門輿論無間者詳開行實候本道按臨之日各揭申報以憑優賞寵異教官不得曲徇情面或以平常細事毛舉置純修實行于不問或以曠學小疵塞責舍元惡大愆于無聞以及有優無劣漫不經心者本道別有訪聞該教官立行斥逐學吏書依律重究各宜慎之

諭訪優劣之二

張蓼匪

為再飭實舉優劣事。照得士子為國民之表。獎罰優劣。係正風化之綱領。但須奉行其事者。廉訪有素。灼見無疑。或一事而足定生平。或多端而積成善惡。虛心博訪。採之道路。察及家庭。據所聞見。按實直書。先期封報。以憑覆核。誠恐各屬。視為緩務。虛報塞責。合再嚴飭。為此仰府廳。不必知會教官。教官不必轉申。提調務各多方察核。得其實蹟。不必胥吏代書。徑用函揭手陳。限半月之內。密封送道。如報優徒為奸。整護衣巾。報劣只為孤貧。脩嫌怨。除駁行外。仍嚴提經。承重寃本官揭奏。

學政事

江南學憲張玉甲 諸能解大興人

照得衣頂之給。原以優老。並或壯年有志而廢格于病者。非漫以名器假借。不自愛鼎之輩。為護身符也。本道訪聞。此中衣頂各生。每每出入衙門。建言興訟。悍然與子衿爭雉。儼然與有司抗執。蓋以考校既所不及。而查取優劣。教官又復寬之。繩束亦何怪其號為鐵秀才。而肆無忌憚也。方今功令森嚴。九甲乙兩榜及貢監之在籍者。悉責成查察。有過必舉。况此輩現着青衿。豈容姑縱。合就飭行。為此仰府州官吏。照牌事理。即便通行各儒學。備查該學衣頂生員。若子名某某。于某年告老。某院批允。果否。年已六旬。

資治新書二集
某某干某年病廢告退某院批允曾否痊可察果年
過六旬以上者爲一項病發難痊者爲一項素行不
檢包攬把持教唆起滅者爲一項造冊併具劣蹟報
道以憑覆核斥究此外年青病愈者盡數查出一批
起送補考或候酌量收復庶才者不終廢而劣者知
所儆而本道有教無類之念亦庶幾其克盡矣

查文生優劣

爲學政事照得士不敦行風斯日下本道職司風教
紀綱所藉以提撕警戒彰朝廷勸懲之公者惟優
劣一典年來視爲具文惟憑開報於廣文廣文而賢
者猶或曰出手眼若老毫不振之輩無不聽贊門斗

陝西學憲徐靜菴
諱明稱
蕪湖人

受制學廟一審採訪祇供一節之既吸耳本道業已
申飭於登乃檄行已久考校將竣該府廳杳無揭報
豈真平原之無抑南陽之不可問也合再嚴催爲此
仰府廳官吏查照先今事理速將各屬學生員優劣
學役蠹橫等項虛公體察不須套語確開事蹟定限
數日內報道以憑覆核勸懲施行然必巨惡大愆事
有真據賞一人而不賞者勸罰一人而不罰者警庶
教化聿新士風丕變藉該府廳相成之誼不淺慎勿
以小過塞責

查武生優劣

張玉甲

爲嚴察武生劣行以重歲典事照得武生初進其途

也。屢無紅案以列名。無功官以董率。無歲考降斥之條。無巡試劣行之報。因而冥頑暴戾。武斷扛幫。多以鼎自愛。致該前院題奉。欽依一切降斥劣行。悉與文生同例。雖躍治漸覺可鑄。而積染未免移人。且陽固囂凌。族聚之鄉也。保無兩行不立。入不知有倫常。篋篋弗節。出不知有廉恥。以及一勇而前。睚眦必報。三章同守。刁筆為雄者。此皆當門之棘。鋤之宜蚤。台就嚴察。為此仰府廳官吏。照牌并遵奉。欽依專理。速將各屬學武生。密察素履。如有忤倫裂檢。怙惡稔奸。並前種種穢跡者。許即詳列事款。具揭報道。以憑覆核。創懲施行。培嘉禾而去稂莠。諒有同心。慎勿

以具文相視

學政三 查匪類

查匪類以清學校事

江南張西山諱能麟
學憲宛平人

照得宮牆巍峻。一切娼優隸卒。刑喪過犯之輩。嚴拒而不許入。正以別凡在士林者。品望清高。人不可及也。乃近訪有等身在黌門。心馳岐路。或狎于優俳。而不耻。或甘為人役。而不辭。或肆惡以恣貪。或淫行以傷化。是真所謂敗群匪類。有玷宮牆。真難一日容於學校者也。何該學教官。竟如聾瞶。毫無見聞。縱入筮之豚。而不知追視。躍治之金。而不能鑄。此皆由於各學門斗受若輩之酒食賄賂。而矇蔽教官。匿不上聞。

也。卽如青衿竄入公門，甘爲胥役，此人所易見者。尙且知而不舉，又安望其舉大奸巨慝而發之哉？則敎官學役洵不能辭其責矣。除將該學生員某某等行學除名，另提懲劄，并該路門斗吏書解究外，擬合通行嚴飭爲此。仰府官吏照牌事理，卽便轉行各屬學查。有前項縱恣不檢，敗群匪類及竄入公門甘爲胥役，而各掛鬻籍者，卽便開具劣名，欵蹟密報本道，以憑革究施行。其有曾經黜革學冊無名者，不在此例。

學政四 申劣衿

申學臺

爲督課之今日嚴懲

之欠愈積。謹摘取其尤仰籍。
甘泉縣令蔡蓮西謹祖庚江寧人

憲威懲治，以砥錮習。以策輪將事，照得今日之錢糧無項可寬，無時可緩。所恃爲四民之首者，應期輸納。庶幾編戶小民有所矜式，而不爲頑梗。不謂抗糧之習，反自學較始之邊隅小邑。其青衿舉止，動擬紳貴。一入黌宮，卽喜占耕田地。不慣輸納錢糧，里胥莫可如何代比代賠。不一而足。有時情極而稟之縣官，縣官念屬子衿，不便遽懲以法。或出示曉諭，或差役押催。則又負隅毆差，燬裂告示。卑職隱忍多時，以致積年欠逋，莫可數紀。近以歲叅考成在卽，各臺催檄如雷。里催不應，差催不行。只得親往各鄉，理論情求。幾類卑田乞食，冀于打動良心。乃各矜橫肆如故，非止

寶台所書二集卷三

七

已糧不納且見樂輸恐後者而笑之此類甚多然未
有若某某二生者甘泉屢遭屠戮備極殘荒近又以
玉逆之叛受害獨甚以致遺下不滿百畝地土一望
蒿萊而又路處極冲殘驛支持不住錢糧額數原不
甚多追徵之難嘔盡心血甘邑花戶錢糧不過論升
論合計錢計分而兩生戶內米至若干石銀至若干
兩則亦居然大戶矣六年之數不敢問七年之數尙
欠十分之七至于殘驛倒斷甲職集眾公議限納站
價急救燃眉合邑士民無不勉力接濟而其間站銀
獨多者惟此兩生悍然獨抗者亦惟此兩生屢次差
役往催俱飽毒拳而返實以詈役者辱官投鼠者傷

器如此克頑而不一加懲劓恐諸生效尤于二生民
戶效尤于衿戶甘泉一邑之錢糧將來不可復問矣
况今功令森嚴凡縣官錢糧完不及額者歲叅分
數輕則罰俸降級重則革職提問且積縣屬之不完
累及府廳積府屬之不完累及道司撫院絲聯櫛比
曾不少遺獨于頑鈍無忌之劣生反爲功令所不
及恐朝廷無此法紀而憲臺聞之未有不奮然髮
豎者也以此不避怨尤冒瀆憲聽乞將生員某某暫
行降革俾與齊民一同嚴比俟其錢糧完後仍許申
請復學暫懸故物以待之卑職實從國課起見非
與衿士爲讐也

學政五 復衣頂

懇恩詳覆等事

金華李鄴園 諱之芳 武定人

看得戴之甲向因戴之乙搆毀骨肉之間牽纏帷簿之事而指姦無據歷謝情節已瞭然矣惟是之甲向以此坐黜未蒙允復今嗷嗷復為是請者蓋因誣誤被放情有可矜冀一開自新之階而不即于終身淪棄也况其才有可觀是敢特為申請但歷訟頗末屢蒙憲審已明伏乞洞燭前案情由移送學道准其收復總屬憲臺憐士盛心而賜之再造也

懇恩詳復事

仁和岳華山 諱鍾淑 武進人

看得某某等欠糧不納原視戶首生員張某為樣一

人不納群而和之故卑縣抗糧之申不得不以張某為首革追自難寬宥及經詳革之後不惟本生戶內全完而合圖士民無不輸將及額亦以張某為樣也是一張某者向為罪之魁而今則功之首矣據呈哀控求復衣頂合無請賜矜全仍施作養倘得還其故物則將來之鼓勵鄉民者愈力矣

學政六 嚴守祠

查冒濫祀生

江南張西山 諱能麟 宛平人

照得名賢固不可以無後名器亦不可以假人從來奉祀一生得以循例批給衣頂者良為崇德報功爰先賢之血食于千秋耳然考之典例非建有崇祀設

資治新書二集卷三
有丁祭者。槩不得濫徼。乃年來請乞類仍。保勘扶捏。不問祠之爲公爲私。并不究祭之爲無爲有。朦朧告給。貼報招搖。甚之市猾。統袴亦青其衿。狼子狐群。混托支裔。恐先賢有知。將不勝其怨恫也。合就清察。爲此仰府官吏。照牌事理。即便轉行各屬學立。將奉祀各生。無論新舊。逐一挨年順月。盡數查出。脩開某代先賢某人。有何功德事業。彪炳簡冊。於某年間建祠設祭。某年間奉某督學。批給奉祀。一向有無襲替。或卽有助業在地方祠祭。尙缺者。亦須詳悉報名。不得漫借舉勘。卮言扶同欺冒。至于孝行岐黃之士。向例亦批衣頂。然日久滋弊。並有不由本道衙門批行者。

殊多冒濫。通限一併查明。半月內備造清冊送道。以憑查核。

學政七 舉鄉飲

通行各屬

江南張玉甲 薛能麟 學憲

爲申飭鄉飲。以光大典事。照得鄉飲一舉。肇之令甲。必年高德邵者。肅之几筵。始足風勵各教。乃至今日。格套相循。濫觴已極。有司憑開報於學博。學博任寒。煖於諸生。以保結叢賄賂之門。以賓禮加僉壬之輩。致令嬉修者。羞與爲儔。旁觀者。蒙口而笑。可訝也。至屆期敦請。必先確覆。其實介宦績鄉評。何若某耆老。享年素行何如。且詳本道批允。方始舉行。此又 欽

飭全書開載甚悉。今俱上直視之。或先開後報。或報而失真。一惟塗飾了局。吏老鉅典。不敬孰甚。合就嚴飭。為此仰府官吏。照牌事理。即便通行各屬。今後凡遇正望冬朔。舉請鄉飲。必確核各實。俟耆老鄉評。官績年高德邵。堪為一方典型。輿論所共推服者。備具事實。總括真切。看語于一月前。具詳本道。以憑覆核。批允。方許至期敦請。如舉報不當。及申報愆期者。師生人等一體追論不貸。

學政八 旌節孝

詳各臺

江南 學憲 張玉甲 謹能麟

遵例表揚節孝。懇賜題旌以闡幽谷之光。以昭篤倫

之化事。竊惟忠孝節義人之大綱。而彛倫之攸攸。敦敦有關。化理然必導揚激勸。自上而後。化成俗美。于下本道。謬竽學政。風教固為端責。磨礪竊有素心。凡事關倫常。節孝無不加以意獎勸。每歲科考竣。或批給匾。或量行賞賚。俾知觀感。茲據蘇州等府州。彙報所屬。孝子節婦。行實姓氏。到道。除封股傷體。為會典所禁。與年例未合者。不敢槩敘。外所有孝子陳龍禎等。節烈張氏等。悉皆深閨弱質。亦或委巷編氓。溫清罔渝。靡他自矢。或未亡而降。孝養于翁姑。或孝弟而兼。敦睦于族里。雖未乞學。問之靈咸。有裨綱常之重。苟非闡之幽潛。被以錫命。曷以俾蘭馨桂馥。勒金石。

而不刊野旌材倪鼓忠義而知奮于察職衙門于役
事竣例應表揚。今自前院蘇具題請旌而後歷有年
所其間遷轉不常久未舉行以致茹荼之苦節尙淹
負米之至孝莫闡是非所以重風化而仰贊
皇上敦倫孝治之上理也。伏遇憲臺節鎮此邦主持
名教謹彙各行實上請仰乞採擇題旌表厥宅里庶
幽光不淪夫哀草孝治永貴於遐方矣。云云
孝子徐獻章係本縣民。襁褓之夫。默通詩書大義。素
和之子。能酬毛裏深恩。泣血療父。從醫士之言。始嘗
藥而繼嘗糞。啜粟奉母。以隻影之身。朝負米而夕負
薪。謂宜蓼莪無愧。乃更風木永思。塋封兩代。墓廬三

年行其里者。王公大人爲之改容。矜其名者。走卒兒
童悉知起敬。據里隣生員公舉。縣府覆看詳道。該本
道叅看得徐獻章。孩心未鑿。至孝克敦。觀其哀號療
父。拮据奉母。而且銖積以封兩代。廬墓至徹三年。一
腔血忱。有足多者。亟應表闕。以爲世則。

孝子李騰芬。生遭貧窘。時際艱辛。勉菴綵以娛情。服
鶉衣之百結。父遊不返。經年行乞尋踪。母病累危。徹
夜號天滅筭。此其悃悃之真。非由學慮所致也。旣無
間于人言。宜邀榮于國典。據鄉保某等公舉。縣府
覆看申道。該本道叅看得李騰芳家。鮮宿春。孝隆一
本承顏順志。不學問而明倫。滅筭告天。惟知年而引

懼至。跣號尋父。逆旅經年。尤覘至情。允宜旌揚。以彰風勵。

節婦居氏。故民鄒狝妻。年二十九歲喪夫。子鄒宏。方在齠稚。矢志苦守。撫孤成立。娶周氏爲配。止生一子。鄒國麟。宏隨物故。周氏年僅二十五歲。藐爾一孤。兩寡相依。居氏克全奇節。既撫孤子。又撫孤孫。周氏得步前徽。既美一傳。更美再世。今居氏七十有九。周氏年臻五十。姑以節行兼慈。媳以貞志兼孝。瑞鍾一門。雙節可嘉。等情。據生員高鴻峰等呈舉。申詳蘇松道。給冰玉釵清匾示獎。今據縣府覆看。申道。該本道奈看得居氏周氏一貞共砥。兩寡相依。居則淒風苦雨。

一生撫孤子。孀孫周則繼美紹徽。半世依孀如弱胤。節以繼節。寡婦所難。予以旌揚。允堪風世。

節婦陳氏。故儒士歸文達妻。十八歲婚。二十一寡。現年六十三歲。守貞四十二年。當三載相夫。克修婦道。一朝分袂。決志從亡。因以堂有七旬。垂白懷中。八月。藐孤乃存一身。以肩生養。死葬之任。綿一息以撫承。先啟後之人。洎乎同室操戈。毀巢殺卵。氏能百計支。傾風雨無恙。截髮供師。斷機誨子。母道與師道並隆。真烈與真節交著。據生員查維典等呈舉。詳蒙學院。石批允旌獎。又經本道先給松筠比操四字旌門。今據府縣覆看。申道。該本道奈看得陳氏青年失偶。矢

志未亡。謁救水以承堂上之歡。茹荼苦而鞠懷中之胤。外侮為弭。大節克盡。允宜題旌。以風末俗。

節婦宗氏。故前朝候選經歷蘇時化之妻。生員蘇融之母。十六歲嫁夫。二十六歲夫故。霜幃苦守。矢志之始。年未逾夫三十。栢節彌堅。從一而終。壽已過六十。旬處閨閣者。不過二八。齊眉案者。不過十年。惟有一子。止有一婦。亮節格天。赴焔而反。風滅火貞。心化盜臨危而易。暴為仁一寡母而兩世。單傳嘆為父為師之兼。至一孤嫠而三喪並舉。欽婦道。妻道之克全。氏能教子成名。閨里喧傳。孟母融能事親。盡孝宗黨咸譽。曾參一門。節孝允宜旌表等情。據生員沈錯等呈。

舉申詳。本道先給節孝匾示旌。又奉撫鹽兩院嘉獎。今縣府覆看申道。該本道恭看得宗氏十七于歸。二十七而遠歌。雄露冰霜之操。歷四十年。且襁褓五月之孤。教以有成。首若蓬飛。心如荼苦矣。其子蘇融竭。力事母。此彼翁之所以報苦節也。德萃一門。旌榮無忝。

貞女周氏。係故民顧士彥妻。周行簡女。未婚喪夫。見年七十一歲。守節五十九年。甫十齡。因父家貧。憑媒。即過顧門。為養媳。越二載。夫患蠱。氏隨侍湯藥。四年。病不起。而歿。氏號泣幾絕。矢志靡他。事姑嫜如父母。服闋。翁姑憐其年少。欲謀更適。氏覺。剪髮毀容。議後。

得寢。依依膝下。代夫承歡。萬曆三十九年。蒙魏知縣
憐氏苦節。隨與氏冠報憲。給額。歷蒙匾旌。翁姑繼歿。
棺殮祭葬。身力勞瘁。紡績茶苦。據生員周森林等呈
舉。申詳本道。先給貞德。久潛匾示旌。今縣府覆看申
道。該本道。參看得貞女周氏。伉儷未偕。湯藥旋侍。四
載。敦事夫之道。童年矢截髮之操。依二白以承歡。茹
荼匪苦。歷七旬而著節。旌典宜膺。

貞女王氏。年十二。許配侯世。仍爲室。納聘再期。喪偶
聞訃。悲哀泣血。矢志弗渝。聞勸諭而絕粒者三。聆異
議而投繯者再。燕釵初割。時方一十四年。鸞鏡永分。
辛巳五十三載。荼苦終身。冰清畢世。加以侍奉老親。

生事死葬。撫字孤任。養發婚娶。是誠巨室。所難能。詎
謂華門。而幸。選據生員朱奇胤等公舉。詳蒙按院秦
給賞。今縣府覆看申道。該本道。參看得王氏之字。侯
世。仍雖已納問名之采。尙未齊舉案之眉。顧乃聞訃
服喪。投繯矢志。童年所難。至老彌篤。榮褒允宜。

直陳殉難等事

浙江 胡口 諱文燁 右藩 盛京人

爲直陳殉難節烈事。批發台州府理刑推官王階呈
詞。呈稱竊念完貞殉難。風化攸關。就義扶倫。聞幃僅
覩。今蒙上察。理合表明。本年某月某日。海寇拔猖。台
城失陷。時職蒙按臺憲牌。取入棘闈。先子七月某日
起程赴省。職家眷在衙。聞變驚惶。恐罹不測。相率殉

難幸獲救。魁獨妾于氏。倉卒投縵。須臾殞命。潔身遂志。聞見俱傷。茲蒙憲臺檄取殉難。不敢不據實報聞。云蒙批仰臨海縣查報等因。蒙此遵行。兩學確查去後。隨准本學署教諭事。舉人沈某府學署教諭事。訓導吳某。牒稱備行。兩學諸生會查去後。隨據府縣兩學廩增附生員某等結覆前來。遵依會同結得。王司理副室于氏。委于八月二十六日台城被寇。韓弁外通。變起倉卒。于氏竟長號不食。密自投縵。家人奔救無及。以士女之風。規表丈夫之烈。節見聞嗟異。今古罕儔。堪名外史。以備采風等情。據此該卑職等看得台郡慘變。士女罹災。非具烈丈夫之性者。鮮克完

矣。而潔志也。王司李副室。分列小星行。同皎日。端嚴固繇于主德。貞烈實出自天生。當司理赴省入棘。適遭海寇圍城。至八月二十日。火光接天。砲聲震地。城守驍嚴人。驚風鶴。獨司理之門。杳若無聲。已共鉄其闕。總有素矣。至二十六日。叛弁外逼。東門失陷。各職紳士。只欠一死。四散驚逃。獨司理門內。相率殉難。幸獲救。魁于氏。乃雉經以殞。捐軀殉難。秉義扶綱。烈烈而死。寧不愧夫。汶汶而生者乎。闔郡聞之。無不感泣。正氣所鍾。世風攸賴。尤宜特題。以正化源。以光青史者也。復行訓導方某。覆勘無異。取具師生各結狀牒覆前來。又據坊里老方某等。遵依結得。台郡八月廿

六日海寇猖獗。男婦驚惶。王推官奉取入簾。家眷在衙。誠恐不測。相率殉難。副室于氏。投繯殞命。官清妾烈。希世奇聞。理合具結等情前來。准此。該本縣署縣事。經歷吳某。看得海寇攻陷台郡。魚鳥驚亂。玉石不分。獨理刑副室于氏。冰潔自持。從容就死。閨房鍾秀。英魂借天姥並峙。海內流徽。芳名與日月同光。獨全大義。不愧小星。士庶慕風。口碑載道。所當旌異。請題以彰奇節者也。緣奉批查事理。卑職未敢擅便。擬合詳覆云。

前事

覆看得台司李。王階之妾于氏。雖列小星。能全大節。

臨難不變。惟貞一以盟心。見義必為。罔二三之介念。波揚鱗海。頸繫燕樓。誠閨閣之令節。巾幗之完人也。宜表碣石。以光褒典。茲據道縣查勘前來。本司覆核無異。理合呈請具題旌表。此亦廉頑起懦之一端也。等因呈詳去後。奉本都院批。仰候具題。繳奉本部院李批。于氏以小星殉難。殊為可風。仰候撫按二院具題旌表。繳云云。等因。准此案。照前事。先據臨海縣查覆前來。該本司看得。舍生取義。自古為難。殺身成仁。於今為烈。在鬚眉尚多。柔脆。况在巾幗。猶當翹論者。乎。台刑官王階。奉取入闈。時遭鄭道之變。恣意焚掠。其妾于氏。義不受辱。盡節投繯。傳所謂聳清漢之喬。資台新書二集卷三

葉有裕微風。振幽俗之貞。蕤無懈雅意。亟宜題請表揚。以範風俗者也。從因呈詳去後。今准前因。各行知照。爲此仰本官遵奉憲批事理。聽候各院具題旌表施行。

節孝看語

撫州太守劉黃中諱王費宛平人

看得節婦何氏。妙齡堅栢舟之矢。深夜操機杼之勤。菽水承姑。詩書課子。四十餘年。如一日。六十二歲。無間言。允宜褒揚。以維風化。

揚宜及

看得節婦朱氏。緣成破鏡。志矢空幃。德嫺三遷。閭里羨熊丸之教。恩全五子。膠庠待鵬羽之翀。貞節堪揚。褒嘉允協。

旌表節孝疏看語

江南秦瑞襄諱世禎

袁道。袁理。艱難。以致養養愈真。貧苦而承歡。益摯。聯旣翁之友恭。作萱庭之聚順。竭於役之筋力。供菘蕪之笑言。昔聞新野懿行。徒遙慕其名耳。今於壽春芳軌。得親見其人焉。豈非盛世之休風。南邦之碩德乎。

烈女江純。未覩符男半面。甘萎淑女三春。婉轉麻衣。

勉植綱維於塵世從容維帳尅全節誼於泉臺夫慷慨捐生激烈就義已難之矣而况委曲三年徘徊四溢卒遂前志悲感風雷嗟哉江純之烈也純乎其純矣

范氏弱質而負剛腸深閨而鍾間氣一門雙烈珮環聯玉碎之聲身殞神存塵草壯冰清之氣致命遂志巍然坊表人間携手同歸羨爾芝蘭地下劉氏命可捐身不可辱喉可斷他不可求乃詔賊以起藏旋奪刀而畢命洵勇以赴義而智以成仁者也烈哉紅血之飛已褫綠林之魄矣

簡婦高氏徐氏看語

嘉興太守鄭漢奉候官人

看得嘉興縣故民吳邦章妻高氏吳邦翊妻徐氏儒門淑媛華冒名姝一則孀居七十禮不求身見之榮一則訓子三十年兼矢存孤之志節既萃于一門譽宜彰于百世揆諸年例俱已久符褒彼貞魂曷容更後請乞載入憲綱愜輿情之景仰繼以奏請樹閭里之風聲

節婦蔡氏看語

江寧邑幸俞硯如諱滋慧新會人

看得故民葛良歸妻蔡氏現年六十有四稱孀在二十七歲茹苦歷三十七年居貧知禮遇難能貞忍死事舅姑餘生撫孤弱甘臚殞送既以健婦而勝男願復訓成更以慈母而代父遇災荒饑困而克濟經兵

資台新書二集卷三

七

熒離亂而弗渝。惟窶同漆室。嘉節未獲顯揚。乃典屬盛朝。堅操幸逢彰。闕岡柏之茂。寒而後凋。籬菊之芳。晚而自見。允宜閭表。以礪閭風。

王氏李氏雙節勘語

錢塘梁治湄 諱允植 邑宰

勘得王氏李氏。一門大誼。兩世貞操。王氏結縵在十九歲。未十載而遂嗟長吉。先摧李氏于歸。在十八齡。再五年而遽悼其妻。早寡王奉五旬姑氏。矢節於二十有八。完節於五十有三。李撫十月孤兒。矢節於二十有三。完節於六十有二。厥姑厥婦。令儀同嗣。徽音成子成孫。貽謀悉稱。慈訓因向側陋。罔聞之。籲斯觀皇仁。普被。亟邀旌典之家。年歲既已查開。復勘又復

無異相應。詳請憲臺。核明轉達。以宏德化者也。

節孝方氏勘語

錢塘梁治湄 諱允植 邑宰

勘得已故。生員胡承。虞妻方氏。河舟獨汎。寡鶴空悲。勵苦節於青閨。不愧其姜之誓。全芳名於皓首。式同崔氏之貞。盡孝養以供姑。婦道更兼子職。秉松筠而矢操。小憫儼如丈夫。若乃割臂剜肱。猶稱異孝。毀形裂體。更屬奇貞。今准三學生員黃屏等公舉。復據里隣鍾毓森等結覆相應。勘請憲臺覆核入志。以垂不朽云。

節婦沈氏勘語

錢塘梁治湄 諱允植 邑宰

沈氏京衛叅軍錢力臯之繼室也。撫秀名門。于歸望

族丁年吟寡鵠。操凜水霜垂老泣。孤鸞履貞松栢痛。
藁砧之北去。旅視何歸。携幼子以南還。扁舟獨返。在
熊。畫荻效歐母之懿。風暮績朝春。繼少君之闡教。是
誠苦節。堪揚允屬。幽貞足採。今據里隣。吳必達等具
結前來。相應勘覆。憲臺核詳入志。

學政九議禮儀

詳覆武舉儀注

浙江 袁輔宸 諱一相 藩憲

看得開科取士文武一體。原無軒輊。今據武舉徐紀
等呈請。通行各府縣相見禮儀。悉照文科。不致異同。
隨經都司轉詳憲臺。批藩臬二司確議。本司備查。文
武各官相見。俱有部頒儀注。至于舉人貢生。生員。未

入仕途。一應儀注。未奉部文申飭。本司似難擅議。但
查會典開載。凡生員見上司。妄行跪禮。過為稱呼。依
律究問。則知國家之待士子。惟恐其習於卑謫。流
為汙下也。但文武舉人相見。儀注既無。舊章可考。本
司若為建議。恐日後與郡縣官爭禮。必以本司為口
實。今准臬司移覆前來。本司謬議。既稱舉人生員。豈
得岐視文武。原應一體並重。惟是職官之待文武舉
人生員。自當優其禮貌。以伸士氣。而在舉人生員之
自處。則當不入公門。以自重其品望。似不必較論儀

申飭至報丁憂字樣

袁輔宸

看得各屬呈報丁憂其嫡親生字樣。往往舛錯。今奉

憲批查明部文定例再行申飭本司遵查原奉部文
分疏甚明第各衙門經承既不明于字義而守令各
官亦不查明混具呈報以致駁查申覆耽延月日本
司今將稱謂字義逐一註釋子爲父母之服斬衰三
年按故明止稱父母今奉部文加稱親父親母此係
稟奉 功令合應加稱者也庶子爲所生母此係妾
生之子爲所生母亦斬衰三年今奉部文亦稱親母
不當稱生母也庶子爲嫡母此係妾生之子稱父之
正妻曰嫡母亦斬衰三年也子爲繼母爲慈父爲養
母此係母死而父娶後妻謂之繼母母死而父令別
妾撫育者謂之慈母自幼過房與人者謂之養母皆

斬衰三年也爲人後首謂伯叔父無子而過房與伯
叔父爲子者謂之所後父母今人混稱繼父繼母則
謬矣蓋爲人後則不爲己之父母後是以所後父母
斬衰三年而本生父母應降服也嫡長孫爲祖父母
及高曾祖父母有喪之日父歿則應承重然承重止
嫡長孫一人餘孫則否是以應開明有無伯祖父及
伯父之子也每見各屬申文有稱親母爲生母者是
以正母爲父妾矣有稱所後父母爲繼父繼母者是
以過房爲子之父母而誤爲父娶之後妻母嫁之後
夫矣甚至有稱嫡父生父者有稱嫡親生母者尤可
怪異凡申報丁憂之人皆兩榜及明經而守令各官

儼然民上。無論六曹之事。不習掌故。卽一父母稱謂之間。而昧理。畔義。竟至于此。真可唾也。本司遵奉憲批。合將部文註釋明白。伏候憲臺查核批示。以便通行各屬遵照可也。

學政十議從祀

詳院

江南張西山 諱能鱗 大興人

為謹輯從祀之考。並陳一得之愚。伏懇具題表章。以隆崇儒重道之治事。竊職質鈍。學疎。樸魯無似。荷蒙上恩。昇視三吳學政。衡量文藝。樹育人才。而外首宜尊道德。崇孝弟。顯微闡幽。補前代所未備。用昭興朝一代之典。如我夫子德侔天地。道冠古今。

自漢唐宋以來。加封累贈。至文宣王。而象以冕旒。爵號可謂極矣。有識者以為非我夫子意也。祀以先師。本主萬世相安。始得其正。至及門之士。悉去爵號。從祀宮墻。自明季兵燹而後。雖春秋籩豆。循行故典。而本主不無微失。位次不無失序。本道每一瞻謁。輒為心洞爰采遺書。自先師以及四配十哲。東西兩廡。啓聖祠。先賢先儒。悉詳考其姓氏。位次。從祀年月。禮樂陳設。輒成一書。付之剞劂矣。第諸賢中。尚有應躋十哲。應入兩廡。應與宋儒從祀。而未經表章者。謹述其概。如先賢有子子。有宓子子。賤南宮子子。容原子子。思或以孝弟著論。或以君子成德。或以君子尚

德政懷獨行君子之德自淑淑人悉爲孔門高弟若
躋之十哲之列于宰我冉有何多讓焉蓋十哲之名
偶因從遊陳蔡而追思之豈阻于十人之數耶是以
顏子升爲四配而顛孫子列焉職愚以爲此四賢者
所宜出之兩廡而躋之十哲者也若孟夫子高弟如
樂正子公都子屋廬子陳子七篇內書法悉以子稱
亦如孔門之有顏曾閔子諸人也至萬章公孫丑學
誼雖未深造而議論問答獨詳亦有功于後學若以
孟子弟子不宜從祀孔廟則歷代先儒豈皆親炙
孔子者耶職愚以爲此六賢者所宜從祀兩廡先賢
之未補正從前之闕典也至于宋固多儒而范文正

公先憂後樂以天下爲己任且手授春秋于張橫渠
尤開闢閩風氣之先而義田贍族敦祖宗一本之思
施第爲學重聖賢淵源之自至舉胡安定爲學博而
教化大行迄今遺澤流風海內欽仰獨未從祀似屬
缺典若以從祀者必有著述經傳江都昌黎亦何嘗
以傳註名耶職愚以爲此一儒者所宜從祀兩廡得
與歐陽諸子并列者也夫前代之典禮未備必考詳
于後代如從祀之典漢猶未備而唐貞觀歷政始有
從祀二十二人之嗣後雖入祀罷祀不一其請要皆期
于典禮之至當而已今我

皇上崇儒重道釋奠臨雍開昭代文明之治海內翁

然向風又恭遇憲臺主持名教。釐正典禮。職謹以職
掌所關。仰冀俯采。蕩蕩特賜具題。俾賢儒各得其位
而俎豆藉以生光。功德洽乎神人。教化風于奕葉。有
裨于世道人心。非淺鮮矣。

學政十一 祀名宦

宋翰林院學士謫監處州酒稅秦少游先生入

祀名宦詳文

附原呈

處州

太守

周宿來

諱茂源
華亭人

懇乞追崇名宦。以昭曠典。以振頹風。事切惟盛。德
在人雖千秋。其不沒流風。未墜。越百世而可師。伏
見故宋翰林院學士謫監處州酒稅秦少游先生
者。淮海菁華。文章羽翮。崛起甓湖之上。論交當代

之英砥節。彌行子騷。既表其賢。良博學宏詞。忠宣
復高其著作。骨強體正。原非礪激。膺滂木秀林摧。
忽爾尚焚京。貫至于魂。消光化。屍束木皮。齒未登
乎中壽。生不逮乎龍圖。固已倫類知悲。俯仰與歎
者矣。至其監稅我處也。甌屋為庵。汲泉作供。清池
白月影。徹晶壺。拄杖芒鞋。形參山鹿。高詠但憑竹
栢。傷心獨對鶯花。况權酷乃當年。祇政而酒漿為
民用。亟需。既以紹述為名。可見網羅必盡。顧此鷄
豚。手質之時。獨標茗粥。身隨之槩。豈非夏日之涼
颺。而冰天之挾纊者。與顧乃代。隔三朝。年垂六百。
替宗廟祀大典。缺如漢南涕淚之碑。既無見于生

前桐鄉魚菽之薦復不傳于身後。又何以使後來之。召杜並慈嚴而賈鄧我男女也。贊等自從本朝開國之初。樂觀增修郡志之盛。竊見先生之雅歌逸韻。已耀編摹。而先生之茂澤清風。尙虛俎豆。莫不相顧咨嗟。有懷欲吐。今幸遇各位憲臺。太宗師老大人。運屬維新。政成稽古。用以激濁揚清。先於闡幽彰往事。如有待舉。不云遲。伏乞准將前賢秦少游先生。詳入名宦崇祀。大補從前之缺。略事宣昭代之風猷。其有關於吏治人心。厲俗廉頑。匪淺尠矣。

遠而非遙者。惟此高濂之名節。况乎口誦其詩。身被其澤。如秦少游先生之。于是邦者乎。先生秀發江淮。性存忠孝。在蘇門居四學士之首。在宋廷有六君子之名。雖屢薦入官。不離史席。而群邪側目。難免周羅。獄起同文。遂罹入關榜樣。碑刊建禮。終存千佛名經。氣節文章。既與洛蜀而並久。几筵俎豆。自堪芹藻。以流芳向同朝。寘逐類以阿堵相污。而此地魚豚。竟其蓮花不染。蓋公根深慧業。識洞宗風。大覺寥寥。舊是尋求之侶。山花木葉。聊供遊咏之資。朝坐市區。自有泥珠迴濁水。夜投龕火。獨將骨筆。寫龍藏。卽其管庫三年。竟以不職論罷。既不取盈苛賦。可知寬卹深仁。

而報德崇功。至今猶闕者。豈不以監門之職。非大賢所居。遷謫之官。非治行所表。近者以疑。而不敢遠者。以久而難追。歟。夫元亮在縣。八十日。陶彭澤遂以官稱無功。但求一斗酒。太樂丞。卽爲清職。况鶯聲花影。范參政亭建。當年沙外柳陰。陸放翁詩吟。半醉高山在望。豈時代之云。祖蘋浴可將何神靈之勿享。宜闕不溜之烈。用抒懷古之情。

杜推官入廂名宦詳文

周宿來

看得惠風之所披拂。入物而深。直道之在古。今去思則永資其感慨。式是儀型。故處州府推官杜公。諱其萌者。亮節表于烏臺。鴻名彰于玉節。芳規顯蹟。更僕

難詳。唯是箠仕祥刑。蜚聲披薤。舞雲峻氣。挺金鐵以鏘。撻飲藥孤標。厲冰凌而嚴苦。清霜所凜。協氣俱流。威不極于泥樓。法未弛夫橫槌。陂塘灌溉。人歌父母之慈。案牘平反。彌見春秋之癖。用使固關。箭動坎戶。苔生觀因而聽。有鳴琴載酒。而獄無冤氣。及其牧疲下邑。視篆青田。借函鼎以烹鷄。指荆栖而集鳳。不以攝官承乏。而生傳舍心。不以抑尊就卑。而作鄙夷色。誼諒未疾。振飭頽波。繁不秋。茶糲幽畢。照嚴無夏。日積廢皆興。故謳吟獨切于芝人。迺德澤尤全乎桔郡。所以風行草偃。一時谷靜山空。蓋公以十屬爲一身。民以百年爲一日。有由然也。事久則論定。德感而禮

崇襄陽墮淚之碑不在生前朱邑桐鄉之祀正期身後合從所請以答其情

學政十二 祀鄉賢

鄉賢沈鍊詳文

附原呈

處州太守

周宿來

華茂源

懇崇賢祀以彰舊德以勵士風事切有先賢沈青震諱鍊係處州府麗水縣學前朝嘉靖十七年戊戌進士歷官錦衣衛經歷以疏嚴嵩十大罪戌死文章節義照耀當時百餘年來未有議祀鄉賢者前蒙太公祖十六年季試論及本郡有學有守未臚祀典之賢某等以青霞對祖臺羨歎久之伏思表墓式廬 聖明之盛事闕幽彰往賢達之高風

青霞陷虎口而無疑犯龍鱗而不懼雖鷹鷂燕雀之逐史冊彌昭而俎豆馨香之間典章猶缺祖臺池郡施德于不報之地加恩于無望之人明忠孝之大端以風厲為已任况茲還轅欲駕臥輒有期無心疇昔之言特舉久虛之祀揚激義風于輓近允洽輿情扶持名節于焜蒿教興神道懇先將沈青霞先生應入鄉賢申詳院道其有關于國典祀法士習民風誠非淺鮮

看得正氣不磨山川為之震動英才挺拔邑里所以光華往代之缺祀宜崇千秋之直道斯在故錦衣衛經歷沈青霞先生者性本清剛學成狂簡雖居小位

每出大言屬當天書鳴吻之時敢發非識桓譚之論
劉祥刺深於障面張彖譏切于冰山固已威抗龍鱗
而恨銜蜜腹矣迨乎十罪朝陳三危夕竄欽籍相結
橫挺交加仰日月之冥蒙迴風塵而遐邁寄命朔旃
餘生寧幾顧乃豪攄尊酒依然哭比長沙興發高吟
開口焉如江夏虎騎不下磯激難平用是鬼彈星飛
獸機夜發楊震西亭之慘絕塞頭行荆軻湛族之心
有巢卵覆雖碧化萋弘之血魂沉汨水之淵未足以
方此激昂形其悲痛者也當年東草既將甫檜同利
此日羞芹應共籠于比重今稽諸祀牒大典闕如揆
厥所由僉曰先生發祥麗序家本會稽雖慷慨義聲

聽聞洋溢而武狄之後枯水無傳所以烝嘗在彼攸
崇蘋藻於茲為略耳大國有傳聞之彥東里稱仁邑
生于木之賢西河為美太白之廣漢山東兩地爭其
人物子瞻之黃州僧海到處以為美譚豈有翔步澤
宮奪奇百師鶴來華表未列瞽宗墳顯湯陰單歸自
鑄坐使少微寡色而噴雪不芳為父兄者將何以教
而為子弟者將何以學也夫事久則論定節亮而禮
崇賈逵金粟之碑不刻生前王子剗心之墓修從異
代然則遊九原而流連于隨會過大梁而慨想於夷
門洵足以激清風於萬古厲薄俗于當年者歟合從
所請用樹風聲

布衣包萬有崇祀鄉賢看語

處州周宿來
諱皮源
松江人

看得處士包萬有。南山石隱東壁儒林聰慧本乎夙成。學問自其天性。出經入史。體用是以兼通。累月窮年。食寢為之併廢。蠶鹽清夢。穩聞達不求。松菊古心存。藁藜常滿。葦帷久下。誦讀詎止。張公十乘之書。楊草口玄著作。遂有呂相千金之字。若夫人堪仰止而道足開來者。惟其學宗濂洛。是以有範數贊。儲等書。可居奇偶。神明之列。惟其志在春秋。是以有編年合錄。諸作直分。知罪筆削之權。至其立社講學。依然鹿洞家風。積粟賑饑。一準常平故事。孝友。邱任。嫻睦。禮。

經六行無虧。溫良敦厚。和平季野。四時俱備。是益文與行而並美。名其實以交修者也。是以郡邑志乘。三
次授簡於干旌。而綱目發明。四方共傳其剗劇。然且
山箭河箱。楮羽猶在。蒙求而縹帙青緗。遺籀尚存。草
後。是非久而論定。名德潛乃益光。誠足以俎豆宮墻。
昭示來許。以明闡揚大典。必速側微。鐘鼓式靈。不惟
卿相用足。菁莪之樂育。永垂鄉國之儀型者也。

故宦高文登崇祀詳文
嘉興王瑞卿
諱官臻
太守齊河人

為懇賜申詳。以完盛典。事據具。催公呈。廩增附生員
吳天泰等呈稱。竊惟禮先報德。道在扶風。哲人未安
于豆。登末俗奚申其激勸。伏念嘉興縣故宦山東膠

州知州高文登。係已未進士高道素。光祿寺署丞高道淳之祖。庚辰進士高承埏之曾祖。英裁翼治。至德可師。宦績兩志遺棠。鄉評咸推祭酒。久而論定。舉者言公某等。于某年月日。具呈宗師許蒙。批仰府察確報。隨蒙署府事陶通判羅知縣程教授。賞其粹品。錫以褒辭。申候憲詳。永歆祀典。詎料宗師巡歷無間。批發有稽。某等敢再合籲輿情。仰冀詳申前牘。俾卽允祀鄉祠等情。到府。據此案照云。據該本學教授某訓導某。勘得已故山東膠州知州高文登。至孝蚤標奇節。宏才繼展。循猷拯活。流亡古葉。仁風遍滿。常弭寇患。膠西紅燧澄清。秉直道以掛冠。存慈心而濟物。

曠植起肉。目前皆夏蔭。冬暝言矩行規。闕外宰鷹臧大獲。毫髮不干郡邑。砥礪必期聖賢。奉養嘗親。殫終身之孺慕。加恩棟宇。極畢世之孔懷。藹藹禔躬。兒童悉爾長者。孳孳為善。鄉邦咸仰吉人。無意近名。有餘積慶。大夫勤職。則祭既久。符禮典之昭垂。桑梓誦賢。則思實靡諼。秉懿之攸好。髦譽之僉呈。允恆宮墻之侑。祀應申牒。覆前來。准此。隨該本縣知縣羅煥。覆勘得本宦孝友格天。芳徽表世。請囹圄而代父。至性獨泣鬼神。任凋瘵而敷仁。弘澤兩歌棠芾。焦心營職。在仕路已為蹇蹇之玉臣。抗志拂衣。迨居鄉更屬孳孳之古士。篤孔懷于同氣。盡瘁而偏若餘甘。讓貽產于

連枝守瘠而初無改樂絕鮮豪婢僕戶庭門闥之肅
如多賑郵交遊里巷鄉邦之誦德忠敬孝慈與信百
行無疵聲色貨利紛華纖塵不染五馬而生推祭酒
百年逾譽頌口碑誦思夙切乎輿情俎豆宜申乎崇
祀取具各該結狀見在呈乞轉詳等因到府據此隨
該署府事陶通判覆看得本宦孝追古昔行匹先民
居家著奇節貞操作吏溥深仁厚澤古藁行春花耿
篆無誇漢室循良膠西勺水激文平何數周詩愷悌
抗直而急流勇退懷慈而振稿嘘枯禹鈞急難之風
傾賢不悔師德自乾之度夙郊無留捐廉俸以郵族
人割腴產而先猶子言動可師可法鄉邦愈久愈思

亟宜崇祀于警宗用以彰明乎公道等因具繇于某
年月日呈詳未示今據具備申詳等情隨該本府王
知府覆勘無異合再呈云須至牒呈者

前奉批詳

兩浙文宗王園長諱應華東莞人

看得故宦高文登人倫師表理學淵源至孝堪泣鬼
神素心無慚天日縮符郡邑春風隨地流膏拂袖家
園秋月滿庭如水年高而德彌邵身隱而道愈尊讓
產推甘孔懷誼切倒囊振厄利物仁深善狀弗絕於
口碑遺燭久光乎閭史宜列宮墻之俎豆永爲鄉國
之儀型仰府擇吉奠主送入鄉賢祠崇祀繳

學政十三 庶務

恤錄忠臣後裔

溧水縣合徐德夫 謹必達


為欽遵明詔，憐錄忠裔事。據本縣齊承恩呈，為某事等。因到縣案查，本縣先為學租事，該知縣某以齊承恩志行不類，隨其家聲，先忠臣有知，必不願私。此不肖子為祀典，羞也。葦其衣巾，奪其祭田，何辭之與。有原田二十二畝，既經本縣據法申奪，又經本縣緣情給佃，乃承恩不知體情奉法，致三年應納學租無顆粒完者，使其委屬放違，罪將安宥。但查承恩一貧徹骨，四壁蕭條，過年所收花利止以救死不贖，遂致負欠，事出無奈，情非故違。况其過年應領每月學租六斗，俱不敢赴領，則其情更可原也。若必一併追徵，勢

必立而待斃。夫忠臣之後，固將十世宥之，倘承恩以追租之故，一旦成溝中瘠，令先忠臣一綫之脈，此日斬焉。本院所甚隱也。合無請將某年至某年，以彼應還田稅，即以彼應領學租扣抵外，其餘盡從蠲免。自今以後，除衣巾聽其子長成另議外，原田二十二畝，姑准仍賜給領，非敢為不肖子乞恩，實為先忠臣一綫也。

申報事

衡州司李王望如 謹仕雲

看得陳生之駮，雖非葢代驚才，固亦有攸之翹楚也。乃囊螢映雪，曾無夜讀之膏。蛙竈釜塵，難繼晨炊之火。將欲乘風壯志，終為交謫心傷。所以遨遊長郡，一



叩軍門。欣逢憲臺。老人作興。泮壁獎勵。賢宮如昌
 黎之造。潮人皆知。學似文翁之化。蜀儒盡明。經鑒彼
 上書之情。卽申義學之命。卑職面試二次。堅其淬勵
 之心。錫以伍金。寬其瓶壘之耻。今者拜惠南還。嗣卽
 葺編就學。憲臺憐才好士。媲美古人。卑職將載筆而
 贊作人之詩矣。

日南府書

